

如是習爲識何等爲識盡爲識命字盡爲盡  
識如是爲盡識

何等爲識盡受行爲識八行諦見至諦定爲  
八如是爲識盡欲受行如諦識何等爲識末  
知所識因緣故生樂生喜意如是爲味生爲  
味識知何等爲識腦識所識爲盡爲苦爲轉  
如是爲識腦識何等爲要識所識欲貪能活  
欲貪能斷能度如是爲要識如是比丘七處  
爲覺知何等爲七色習盡道味苦要是五陰  
各有七事何等爲三觀識亦有七事得五陰  
成六衰觀身爲色一觀五陰爲二觀六衰爲  
三故言三觀比丘能曉七處亦能三觀不以  
行墮道斷結無有結意脫黠活見道見要一  
證受止已斷生死意行所作意不復來還生  
死得道佛說如是比丘歡欣受行

四願經一卷

獮狗經

無八

十三 丙

佛在羅閱祇耆闍崛山中月十五日說戒時  
阿難長跪白佛言今佛爲一切教開化五道  
童蒙盲冥者使脫惡道佛般泥洹後留舍利  
十二部經於世間當今諸弟子持佛盛神傳  
佛經戒開度人民授其戒法使人供養是爲  
如佛無異佛言若有人從我弟子受戒而有  
還嫉妬其師者是人當從惡道中來阿難問  
佛何謂惡道佛語阿難過去佛時有獮狗還  
嘴其主前佛慈哀呢願獮狗獮狗見佛威神  
即歡惠是狗今在泥犁中罪未畢佛般泥洹  
後罪畢用前歡惠故更生入人道中從我弟  
子受戒正當從作獮狗時至受戒狗有宿識  
故還齒大家佛言若有人從師受戒還誹謗  
說師惡者言非我行者如是爲如獮狗還齒  
其主誹謗道師惡者宿命本是狗也阿難問  
佛狗罪畢入人道何以故復還齒故大家耶  
佛語阿難是狗得入人道持佛戒法有所教

授貪利供養愚癡不解便行謗說師故墮五逆惡處

佛語阿難諦聽佛當具爲汝說之阿難言諾受教佛言有人持佛法戒行教人事佛令入泥犁中者阿難驚起長跪問佛云何教人當令得佛道何故更入泥犁中佛語阿難汝信

吉末

何

佛語不阿難言信佛語佛言汝信佛語何故聞人受戒當入泥犁中驚爲若人不入泥犁佛語爲妄阿難更起作禮頭面著地繞佛三匝還接佛足長跪問佛阿難不解未知人根願佛解之教人入泥犁意佛語阿難後未世時有弟子作師釐嬾不能勤學無有智慧貪穢欲得人供養錢財縠帛持用自活不精佛法阿諛隨人見人貪殺不與殺戒見人嗜酒不斷酒多少可飲人行授人戒法言多少當得錢物作福但欲得人物是爲賣戒令人方更有慢不精戒者便犯衆麤殺生如是教者持人著泥犁中用負佛明教故令護佛道神

得其短便爲惡鬼所病罪重或能至死償罪即入泥犁中阿難問佛新發意者偶值惡師不曉不了謂法當爾至使信受其言愚癡不解故阿難問佛更見明師爲可復重受戒不佛語阿難於我法中曠大極可得悔更自懺洗初發意時心常矇冥爲惡師所誤實自不知更行受戒始爲入法不知不曉時非佛弟子爲是世間小善人耳無大功德阿難聞佛所說歡喜作禮

### 狗猘經一卷

無八

驅<sub>上音駆下</sub>機<sub>上音</sub>紝<sub>下音</sub>糲<sub>也</sub>桎<sub>上音</sub>梏<sub>下音</sub>

之乙反下  
古沃反  
憮於運<sub>上於六反</sub>嚙<sub>下於夷反</sub>僵<sub>居良反</sub>殫<sub>力檢胡葛反</sub>鶴<sub>胡葛反</sub>